

宗支辨

附录通城谱

盖闻山起昆仑虽各分支派而一支之蜿蜒愈远而愈分起伏断落渡河穿江忽而突出不可复识其从来者原其始则一脉也吾谓於山然於宗支亦然今吾族宗谱之修溯自清献公远矣更上而溯自藩公满公则又远矣此亦如山之昆仑也清献一支蔓延天下虽前明礼部尚书原洁公南北合谱漏遗者尚不知凡几又如山之愈走愈分断而又起不能尽识也虽然一脉而来支分而本则一本一则因其合而合之岂不

美哉查华林老普原洁断自成祖为一世以前但纪世
次虽自 满公而后历历可考而单载相承之祖不及
支分之祖故於 清献公下只有 成祖未载 魁公
然平江世有金岩谱魁之裔也则又兼纪成公十代矣
彼之传授岂无自欤九岭各门自平江来居於通宗派
相合者维有历年今是谱将居通十代成魁两支合为
一册志源同也以后概从分叙别流异也而总为全集
其亦犹大宗伯南北合修之意欤若同登华林谱者则
有岭下及凤凰山其视九岭世尤近也亦不入是谱何

也伊祖太乙吾支旧谱载太乙即仲八彼此未合况乾隆丙子彼既刊有支谱矣必汇为一不特彼有重梓之费吾亦有旷日之劳老谱存则源自合后贤续统而同之易易也安在此日汇集而后为全谱也哉至若飞坳自左港庙湾而迁系友珍之后满下自左港当中屋而迁系友通之后临湘之龙窑源自南潭沈桥迁系仲贵之后癸丑已刊入左港南潭支谱因省其重费故不及同登焉凤凰山之庙湾祖天祥相传是我族类但未识其分自某公某支故旧谱皆未登载今尖山七甲虽据

其经簿收为一体仍於友信公支下另叙志慎也梅港
寿九志通支下有文申娶黄氏旧谱载其迁徙未详盖
阙典也然其有子孙明矣今临湘鄢冲以其祖文申求
合谱於梅港阅其旧稿自四川转居临湘虽文申下氏
派不必尽合而原委分明听其修辑可以巴陵段头仑
一门旧因其所载仰山庙与左港符合乙卯谱叙入塔
楼友璉支下癸丑修刊未敢仍前遽合乙卯谱叙入塔
其旧凭新稿细心查核其先祖尝娶於李存其资嫁田
名在菴荷及访菴荷李姓其经簿亦载有女婿胡某则

其為百九一支明矣故亦列叙不疑焉陰冲爰伯一支
前乙卯譜以居地相近合於太平細七支下今查其所
傳稿載居崇陽印墩橋而自印墩遷居吾通者則龍崩
勘也其與楊家山同支昭然矣但傳載失考分支別序
於義為更允耳譜載百六遷平江而未載其轉徙今沙
堆族人持其稿來合則云百六自平江轉居伊地世代
甚悉而所據者復有老約又其後一支分崇陽乃前明
方伯定之族也有訟爭坟山公案并譜稿賁局查核夫
百六百九乃萬一万七公之從兄弟也豈各支如此其

蕃而百六独无闻耶物其先世居地僻远与通族鲜往
来故前明嘉靖庚寅

本朝康熙癸亥雍正戊申乙卯诸谱俱不及焉则旷隔
多矣今得合於是谱其犹客子久游他乡初归故土而
会其兄弟伯叔喜可知也凡此数支局首事清心考核
皆源洁而流清其合谱者什之九未合者什之一合固
统宗而会元未合而载其原本别其支流则亦统於是
集也即谓通胡氏之族而谱之岂其过哉